



Broj: 05-3051-13/20
Sarajevo, 01.10.2020. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka n) i t) Statuta Agencije za bankarstvo Federacije BiH („Službene novine Federacije BiH“, broj: 3/18) i člana 70. st. (1), (3), (4) i (6) Zakona o javnim nabavkama („Službeni glasnik BiH“, broj: 39/14), a na osnovu Rješenja Ureda za razmatranje žalbi/Kancelariji za razmatranje žalbi Bosne i Hercegovine – Filijali/Podružnici Mostar broj: JN2-03-07-1-2164-7/20 od 17.09.2020. godine, direktor Agencije za bankarstvo Federacije BiH donosi

ODLUKU **o poništenju odluke**

Član 1.

Ovom odlukom se poništava Odluka o izboru najpovoljnijeg ponuđača - Lot 1 i poništenju postupka – Lot 2 u postupku javne nabavke usluga broj: 05-3051-5/20 od 06.08.2020. godine, saglasno tački 1. Rješenja Ureda za razmatranje žalbi/Kancelariji za razmatranje žalbi Bosne i Hercegovine – Filijali/Podružnici Mostar broj: JN2-03-07-1-2164-7/20 od 17.09.2020. godine (u daljem tekstu: Rješenje Ureda za razmatranje žalbi).

Član 2.

Nalaže se Komisiji za provođenje postupka javne nabavke usluga internet provajdera (ISP) za potrebe Agencije za bankarstvo Federacije BiH (u daljem tekstu Komisija), imenovana Rješenjem direktora Agencije za bankarstvo Federacije BiH, broj: 05-3051-1/20 od 22.07.2020 godine, da provede ponovni postupak predmetne javne nabavke u roku od 3 (tri) dana od dana donošenja ove odluke.

Član 3.

Ova odluka bit će objavljena na službenoj web stranici Agencije za bankarstvo Federacije Bosne i Hercegovine (u daljem tekstu: Ugovorni organ), istovremeno sa upućivanjem iste ponuđačima koji su sudjelovali u predmetnom postupku javne nabavke, u skladu s odredbom člana 70. stav (6) Zakona o javnim nabavkama.

Član 4.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 5.

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga broj: 05-3051/20 od 22.07.2020. godine, odobreno je provođenje postupka javne nabavke usluga internet provajdera (ISP) za potrebe Ugovornog organa, a sam postupak nabavke podijeljen je na dva lota, ukupne procijenjene vrijednosti od 8.000,00 KM, bez poreza na dodanu vrijednost (PDV), odnosno 4.000,00 KM po svakom Lotu.

V

U skladu s Odlukom o pokretanju postupka javne nabavke, imenovana je Komisija koja je u okviru svoje nadležnosti i ovlaštenja provela predmetni postupak nabavke, te o tome sačinila Zapisnike o pregledu i ocjeni ponuda – po lotovima, kako se dalje navodi:

- U dijelu postupka koji se odnosi na Lot 1, Komisija je dostavila Zapisnik o pregledu i ocjeni ponuda za Lot 1: 05-3051-4/20 od 05.08.2020. godine, kojim je u procesu evaluacije istih evidentirala određene nepravilnosti u dostavljenoj dokumentaciji ponuđača „LOGOSOFT“ d.o.o. Sarajevo, „Mtel“ a.d. Banja Luka i „TELEMACH“ d.o.o. Sarajevo, te su iste ocijenjene kao neprihvatljive za ugovorni organ. Komisije je istovremeno ustanovila da ponuda ponuđača „TEAM CONSULTING“ d.o.o. Sarajevo ispunjava sve uslove i zahtjeve navedene u tenderskoj dokumentaciji, te je ista ocijenjena kao prihvatljiva za ugovorni organ.
- U dijelu postupka koji se odnosi na Lot 2, Komisija je dostavila Zapisnik o pregledu i ocjeni ponuda za Lot 2: 05-3051-4-1/20 od 05.08.2020. godine i dala preporuku da se, shodno odredbama člana 69. stav (2) tačka d) Zakona o javnim nabavkama, ovaj dio postupka javne nabavke poništi, obzirom da su ponude ponuđača „TEAM CONSULTING“ d.o.o. Sarajevo i „Mtel“ a.d. Banja Luka ocijenjene kao neprihvatljive za ugovorni organ.

Saglasno preporuci Komisije, direktor Ugovornog organa je donio Odluke o izboru najpovoljnije ponuđača za Lot 1 te poništenju postupka javne nabavke za Lot 2, broj: 05-3051-5/20 od 06.08.2020. godine.

Ponuđač „Mtel“ a.d. Banja Luka je nakon pružanja Odluke o izboru najpovoljnije ponuđača za Lot 1 te poništenju postupka javne nabavke za Lot 2, dana 14.08.2020. izjavio žalbu Ugovornom organu i istu proslijedio Uredu za razmatranje žalbi, kao neosnovanu.

Na osnovu izjavljene žalbe, Ugovorni organ je prihvatio žalbene navode kao opravdane u dijelu koji se odnosi na Lot 1 i donio Odluku o poništenju postupka javne nabavke usluga broj: 05-3051-11/20 od 20.08.2020. godine. O navedenom se Ured za razmatranje žalbi u svom obrazloženju izjasnio da se neće očitovati po žalbenim navodima žalitelja za Lot 1 budući da je Ugovorni organ prihvatio i ocjenio osnovanim žalbene navode žalitelja.

Na žalbene navode žalitelja po pitanju postupka za Lot 2 se izjasnio Ured za razmatranje žalbi, koji su Tačkom 1. Rješenja vratili Ugovornom organu na ponovno odlučivanje, te se saglasno navedenom Rješenju ovom odlukom nalaže Komisiji da provede ponovni postupak za Lot 2.

Uvažavajući sve navedeno, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba ugovornom organu – Agenciji za bankarstvo Federacije Bosne i Hercegovine, najkasnije u roku od 5 (pet) dana od dana prijema ove odluke, saglasno čl. 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/ Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

1. Ponuđačima u postupku
2. Sektoru zajedničkih funkcija
3. Komisiji za provođenje postupka javne nabavke
4. a.a.

DIREKTOR

Jasmina Mahmuzić

